



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Svmma Bvllarii Earvmve Svmmorvm Pontificvm
Constitvtionvm Qvae Ad Commvnem Ecclesiae Vsvm post
volumina Iuris Canonici, vsq[ue] ad Sanctissimum D. N.
D. Pavlvn Papam V. emanarunt**

Quaranta, Stefano

Venetiis, 1619

Archivus.

urn:nbn:de:hbz:466:1-10793

Martii 1585. In festiuitate Sanctorum Quadraginta martyrum familiae meae Protectorum; est. n. in honore hic numerus, vt legitur in lectionibus istorum Sanctorum.

Archiepiscopus autem his, & alijs auctoritatibus in calib. a iure permissis expressis vtendo, moneo esse memores de dicto Apostoli (vt non dominantes in Clericum) relato a Gratiano in c. quia. 10. q. 3. & legitur in epistola in festiuitate Sancti Apollinaris die 23. Iulii.

Fuit autem iste Tractatus deinde Neap. Impressus in anno 1586. simul cum alio tractatu, sic inscripto de Concilio Prouinciali, & auctoritates Archiepiscopi in suffraganeos, eorumque subditos, & in tota Prouincia tractatus auctore Stephano Quaranta V. I. D. Canonico Neapolitano. & c.

ARCHI V S.

*Cognit
tit. de
off. ordi
narij.*

PRÆTER Summissas sciendū est, quod bonorum ecclesiasticorum Archiuū tenentur facere Prælati in eorum diocesis, & administratores ecclesiarum ex Constitutione Sixti V. incip. Prouida.

Romani Pontificis circumspectio, & infra. Mandantes vniuersis, & singulis Patriarchis, Primatibus, Archiepiscopis, episcopis, Abbatibus, alijsque Prælati, & Præsidentibus ecclesiarum, Monasteriorum, vniuersitatum, collegiorum, & Præceptoriarum maiorum, ac similium ecclesiasticarum dignitatum quocunque nomine censeantur, saecularium, & quorumuis ordinum, ac militiarum regularium, nobis, & Sedi Apostolicae immediate subiectorum, siue nullius sint Diocesis, siue alias quomodolibet exempta existant, dum tamen ordinariam in subditos, aut quasi episcopalem iurisdictionem, de iure, consuetudine, aut priuilegio habeant, aut exerceant per Italiam constitutis, vt loco Arbitrij generalis ecclesiastici sui per nos suppressi, ipsi & eorum vnusquisque qui hactenus inuentaria huiusmodi non confecerunt, debeant omnino intra annum, a die quo praesentes nostrae ad eorum notitiam peruenerint, omnium, & quorumcūque bonorum immobilium, censuum, canonum liuellorū, prouentuum annuorum iurium, iurisdictionum, ac priuilegiarum, & scripturarum quae eis eorumque arbitrio a notatione digna videbuntur Ecclesias, monasteria, collegia, vniuersitates, Præceptorias maiores, & dignitates, quibus ipsi respectiue praesunt pertinentium, & in quorū possessione existunt inuentaria diligenter conficere, & deinde quicunque eorum in regimine, seu administratione ecclesiarum monasteriorum, collegiorū vniuersitatum, & Præceptoriarum maiorum, seu in dignitatibus huiusmodi successores fuerint, simili ita annum a die habite possessionis similia inuentaria de nouo conficere, seu renouare teneantur. Curēt præterea sine vlla impensa grauamine, ea autem aut solutione suorum subditorum per omnes, & singulos, qui vel eorum iurisdictioni quomodolibet subiecti sunt, vel in eorum Ciuitatibus, Diocesis, & districtibus, respectiue existunt, etiam si exempti, & pariter nobis, ac dictae Sedi immediate subditi esse noscuntur, Abbates, Prepositos, Priores, Vicarios Guardianos, Abbatissas, Priorissas, & cuiuscunque ecclesiae, vel pii loci saeculares, vel regulares, & alios quocunque titulo, & nomine praefectos vtriusque sexus bona stabilia, iura, census, redditus, & prouentus quomodolibet possidentes, ceterasque personas ecclesiasticas quascunque dignitates, personatus administrationes, vel officia, aut beneficia ecclesiastica cum cura, & sine cura saecularia, & quorumuis ordinum regularia in quibusuis, ecclesiis, seu ipsas parochiales, aut alias ecclesias in utulum, vel commendam, aut alias quomodolibet

modolibet obtinentes; Præceptores quoque minores, & alios qui beneficia quarumcunq; militiarum obtinent, denique per omnes, & quoscuq; administratores, Rectores, Custodes, officiales, operarios, & quocunq; nomine nuncupatos superiores quorumcunq; hospitalium, Sodalitatum Confraternitatum, Seminiorum, Montium pietatis, collegiorum studiorum generalium, fabricarum ecclesiarum, & piorum vel religiosorum locorum, etiam quæ per laicos, seu clericos coniunctim, vel diuisim regi, aut gubernari solent per modernos quidem intra eundem annum, ut præfertur, eorum vero singulorum pro tempore successores et intra annum, ut dictum est, inventaria huiusmodi bonorum, ac aliorum supradictorum quæ eorum curæ, seu administrationi commissa sunt, similiter accurate, & diligenter confici; & ad se deferri, eosque ad id per censuras & pœnas ecclesiasticas, aliaq; opportuna iuris, & facti remedijs sibi bene visa cogant, & compellant, ac demum inventaria omnia prædicta tam a seipsis, quam ab alijs confecta similiter gratis, & sine vlla etiã minima impensa aut exactiõne in loco congruo ad id deputato, ac tuto, & bene clauso reponant, atque perpetuo custodiant, & conseruent, laudabilemque hanc consuetudinem, vbi iam viget, prosequantur, vbi vero non est, quam primum introducant.

Romæ die 8. Iunij 1587.

Et per hanc Constitutionem determinatur quæstio disputata per Abb. in sua q. 3. dub. 4. sub num. 16. & per Couar. in c. 1. de testa. nu. 9. An episcopus, seu Præfatus teneatur facere Repertorium, seu Inventarium rerum ecclesiæ. De hoc Archiuo faciendo fuit prouisum per multa Concil. Protin. Metrop. præsertim per Neap. sub tit. de visita. §. quoniam fol. 60. Et omnes beneficiati teneantur facere Inventaria, & maior ecclesia teneatur habere Archiuum vbi collocari debent Pavi. de visita. par. 2. q. 3. Fuscus de visita. cap. 15. num. 33.

ADDITIO. Archiuus est locus in quo reponuntur scriptura publica quæ armarium librorum appellat gloss. in clem. unica in ver. Archiuus de iureiuran. in quo tex. & in c. peruenit. 30. q. 1. fit mentio. de Archiuis Sanctæ Romanæ Ecclesiæ, & nota quod qualibet ciuitas debet habere archiuum publicum, & Camerã actorum in quo reponantur acta, & instrumenta publica vt facilius inueniantur, ac incorrupte seruentur tex. est nota in auth. de defenso ciui. §. pen. ver. præcepta. vbi gl. etiam ponit qualiter vocetur præpositus archiuo publico, & quod faciat fidem instrumentum productum ex publico archiuo habens publicum testimonium, est text. in auth. ad hæc. c. de si. instru. in l. c. sus. ff. de probat. in l. moris §. solet ff. de pœnis Grau. cons. 602. nu. 2. lib. 4. & quando dicatur habere publicum testimonium ultra gloss. ibi de clarat Abb. in c. ad audientiam, de præscrip. & ad prædicta vide etiam Innoc. in c. 1. de procura. & Quintil. Mandos. super glo. facult. §. Habita. in ver. Archiuus.

ASTROLOGIA IVDICIARIA.

PRÆTER Summistas sciendum est, quod contra exercentes Astrologiæ iudiciariæ artem, & alia quæcunq; diuinationum genera, librosque de eis legentes, ac tenentes, extat Sixti V. Constitutio Romæ publicata die 9. Ianuarij 1586. & alias Neapoli impressa, Incip. Cali, & terræ creator Deus, & infr. fol. 51. in Bulario.